

Sejarah Ipoh

Category: WARISAN Hits: 23351



Ipoh yang dinaikkan taraf bandaraya adalah diantara bandar yang terbesar di Malaysia. Ia mempunyai sejarah dan identiti yang tersendiri. Bandaraya yang lahir dari liku-liku sejarah ini telah mewujudkan pelbagai keistimewaan yang bukan sahaja menarik malahan berbeza dengan Bandar-bandar lain di Negeri Perak. Sehingga kini Ipoh terkenal dengan '*Bandar Bunga Kertas (Bougianville)*', *Lima Tambun* dan *Gua Batu Kapur*.

Bandar ini bermula dari sebuah perkampungan melayu yang wujud lebih kurang 100 tahun dahulu di tebing Sungai Kinta. Ia diapit oleh Banjaran Titiwangsa di sebelah timur dan Gunung Keledang di sebelah barat. Di samping itu juga Bandar ini dipenuhi dan dikelilingi oleh bukit-bukit batu kapur sehingga menjadikan bandar ini sebuah bandar yang unik serta berbeza dengan bandar-bandar lain di Malaysia.

Ciri-ciri rekaan dan senibina di Ipoh seperti bangunan-bangunan yang didirikan di zaman penjajahan masih lagi kekal sebagai mercu tanda, di antaranya ialah Bangunan Stesen Keretapi, Mahkamah Tinggi, Dewan Bandaran dan bangunan-bangunan rumah kedai yang lain. Di samping bangunan lama, bangunan moden juga turut dibina seperti di jalan Panglima Bukit Gantang Wahab dan Jalan Gopeng. Pada masa ini Ipoh masih lagi kekal dengan campuran bangunan-bangunan lama dan baru sehingga mewujudkan satu panorama yang menarik.

Nama bandar Ipoh berasal daripada nama sepuhon pokok. Pokok-pokok ini mengeluarkan getah beracun atau dikenali juga dengan *upa*. Getah beracun dari pokok itu banyak kegunaannya, ianya telah digunakan oleh masyarakat orang asli untuk memburu binatang. Getah beracun atau upa disalutkan pada mata sumpit dan juga untuk mempertahankan diri serta keluarga mereka.

[Asal Usul](#) [Sejarah](#) [Perlombongan](#) [Pemerintahan](#) [Pra Merdeka](#) [Sanitary Board](#)

Ketika Residen Inggeris, Sir Hugh Low ditugaskan di Negeri Perak, beliau ada menyebut dalam tulisannya disekitar tahun 1819 tentang getah beracun atau upa yang diperolehi dari pokok Ipoh *Antiaris Toxicaria* yang banyak terdapat di waktu itu di kawasan kinta terutama Kampong Parloh. Namun begitu beliau menyebutnya sebagai *Ebau* lohat Inggeris

Dalam peta negeri Perak yang dikeluarkan oleh penjajah Inggeris dalam tahun 1789 ada tertulis Ipoh sebagai *Ebau* dan *Epu*.



Dengan itu dapatlah dibuat andaian bahawa tarikh lahir bandar Ipoh disekitar tahun 1880an yang ketika itu hanyalah sebuah perkampungan kecil masyarakat orang asli dan orang melayu yang dikelilingi oleh hutan rimba yang tebal.

Satu legenda yang menceritakan tentang bagaimana seorang nakhoda dari Tanah Seberang, Tanah Sumatera bersama-sama dengan anak buahnya telah berlayar sehingga sampai melalui Sungai Kinta. Kapal yang mereka naiki tidak dapat meneruskan pelayaran apabila sampai di kaki Gunung Cheroh.

Maka pada malam itu bermimpilah nakhoda itu didatangi oleh Jin, maka namanya 'Kulub Kinta', dia dan anak cucunya nanti akan menjadi Orang Besar Kinta. Akhirnya nakhoda mengambil nama Kulub Kinta dan bersama-sama anak buahnya terus menetap di tempat itu dan keturunannya yang bergelar 'Dato' Panglima Kinta' yang pernah menjadi salah seorang daripada 'Orang Besar Lapan' di zaman Kesultanan Perak.

Lagenda 'jin' dan 'nakhoda' dari Tanah Sumatera itu tidak pernah ada orang yang mengesahkan atau sebaliknya. Tetapi yang amat jelas sehingga tahun 1890an bandar Ipoh merupakan pusat komunikasi utama yang telah menghubungkan dengan pekan-pekan disekitar Negeri Perak dan juga di Semenanjung Tanah Melayu. Ketika itu Ipoh juga adalah tempat sampaian berlabuh terutama di kampong Paloh yang ketika itu menjadi tempat tumpuan pelombongan-polombong bijih timah (*nama Cina bagi Ipoh ialah Pa-lo*). Ipoh dibentuk serta terus membangun, hasil utamanya ialah bijih timah.

Tidak banyak yang diketahui mengenai Zaman Pra- Sejarah bandar Ipoh selain daripada beberapa bahan penemuan antaranya kawasan penempatan terawal yang dapat dikesan melalui lukisan masyarakat pra-sejarah (*neolitik*) di Gua Tambun yang dapat membuktikan bahawa bandar bandar Ipoh telah dihuni oleh masyarakat pra-sejarah sejak zaman batu awal lagi.

Search...

Search...

ARTIKEL BERKAITAN

- [Profil Am Kawasan Pemeliharaan Majlis Bandaraya](#)
- [Objektif Pengekalan dan Pemeliharaan Warisan-warisan Bersejarah Majlis Bandaraya Ipoh](#)
- [Konsep Pemeliharaan Am - Pemeliharaan Di Dalam Konteks Peningkatan Kualiti Tempat Dan Kepentingan Budaya](#)
- [Kesan Pembangunan Pesat Terhadap Imej 'Tempat' Dan Nilai-Nilai Budaya Setempat](#)
- [Matlamat](#)
- [Sekolah Anglo Chinese](#)
- [KAEDAH PEMAKAIAN](#)
- [KAWALAN PEMAJUAN SPATIAL](#)
- [KAWALAN NISBAH PLOT](#)
- [KAWALAN KETINGGIAN](#)
- [GARIS PANDUAN UMUM PERANCANGAN DAN PEMULIHARAAN BANDAR DAN KAWASAN WARISAN](#)
- [KAWALAN PERANCANGAN DAN REKABENTUK BANGUNAN WARISAN KATEGORI 2](#)
- [KAWALAN PERANCANGAN DAN REKABENTUK BANGUNAN WARISAN KATEGORI SATU \(1\)](#)
- [GARIS PANDUAN INFILL, RE-PLACEMENT DAN RE-INSTATE](#)
- [GARIS PANDUAN PENYEDIAAN LAPORAN PENILAIAN IMPAK WARISAN \(HERITAGE IMPACT ASSESSMENT-HIA\)](#)
- [Sekolah Anderson Ipoh](#)
- [Sekolah St.Michael Ipoh](#)
- [Sekolah Convent](#)
- [KAWALAN PEMBANGUNAN BARU DALAM KAWASAN WARISAN](#)
- [GARIS PANDUAN PAPAN TANDA DAN PAPAN IKLAN](#)

Penafian

Portal ini disediakan untuk tujuan mendapatkan maklumat sahaja dan tidak harus bergantung sepenuhnya untuk ketepatannya. Jabatan Perancangan Bandaraya dan Majlis Bandaraya Ipoh tidak akan bertanggungjawab atas kerugian sebarang yang diakibatkan akibat penggunaan maklumat dari portal ini.



Untuk maklumat lanjut sila buat semakan di Jabatan Perancangan Bandar, Majlis Bandaraya Ipoh, Greentown, 30450 Ipoh.